

長沙藥師

長沙藥解卷三

昌邑黃耆

黃耆

味甘氣平入足陽明胃手太陰肺經

入足陽明而利氣

走經絡而益營衛黃汗血痺之證療皮水風濕之疾歷節腫痛最效虛勞裏急更良善達皮腠專通肌表金匱黃耆芍藥桂酒

湯

黃耆五兩芍藥三兩桂枝三兩苦酒一升

治黃汗身腫發熱汗出而渴汗沾衣色

黃如蘗汁脉自沉者以汗出入水水從竅入淫洩於經絡之間

阻其衛氣壅而爲腫衛氣不行遏其營血鬱而爲熱脾爲已土

肌肉司焉水氣浸淫肌肉滋濕營行經絡之中遏於濕土之內

鬱熱熏蒸化而爲黃營秉肝氣而肝司五色入脾爲黃壅熱蒸

發衛不能閉則開其皮毛泄爲黃汗緣營血閉遏而木鬱風動行其疏泄之令也風熱消鑠津液耗傷是以發渴木氣退陷不得升達是以脉沈黃耆走皮毛而行衛鬱桂枝走經絡而達營

鬱芍藥苦酒泄營熱而清風木也桂枝加黃耆湯

桂枝三兩芍藥三兩甘草

二兩大棗十二枚生薑三兩黃耆二兩

治黃汗兩脰自冷腰臃弛痛如有物在皮

中身疼重煩躁腰以上汗出小便不利以水在經絡下注關節外阻衛陽而內遏營陰營遏木陷溫氣淪鬱內熱不宣故兩脰自冷風水鬱勃經絡鼓盪故腰臃弛痛如有物在皮中濕淫外束故疼重煩躁木陷而鬱於濕土故小便不利風升而開其孔竅故腰上汗出水穀未消中氣滿脹營愈鬱而熱愈發故食已

則汗暮而衛氣入陰爲營氣所阻不得內歟故外泄皮毛而爲盜汗營熱鬱隆不爲汗減熱蒸血敗不能外華皮腠久而肌膚枯澁必至甲錯血肉腐潰必生惡瘡甘棗生薑補宣中氣芍藥泄營熱而清風木桂枝達營氣之鬱黃耆行衛氣之鬱助以熱粥而發微汗經熱自隨汗泄也黃耆桂枝五物湯黃耆三兩桂枝三兩芍藥三兩生薑六兩大棗十二治血痺身體不仁狀如風痺脉尺寸關上俱微尺中小緊以疲勞汗出氣蒸血沸之時安卧而被微風皮毛束閉營血凝澁衛氣鬱遏漸生麻痺營衛阻梗不能煦濡肌肉久而枯槁無知遂以不仁營衛不行經絡無氣故尺寸關上俱微營遏木陷鬱動水內而不能上達故尺中小緊大棗芍藥滋營血

而清風木薑桂黃耆宜營衛而行瘀澁倍生薑者通經而開車
也 肝脾左旋癸水溫升而化血肺胃右降丁火清降而化氣
血司於肝其在經絡則曰營氣司於肺其在經絡則曰衛營行
脉中爲衛之根衛行脉外爲營之葉營衛周行一日五十度陰
陽相貫如環無端其流溢之氣內溉臟腑外濡腠裏營衛者氣
血之精華者也二十二難脉有是動有所生病是動者氣也所
生病者血也氣主煦之血主濡之氣留而不行者氣先病也血
滯而不濡者血後病也血陰而氣陽陰靜而陽動陰則內守陽
則外散靜則不闢動則不闔而衛反降歛以其清涼而含陰魄
營反溫升以其溫暖而抱陽魂也衛本動也有陰以闔之則動

者化而爲降歛營本靜也有陽以闢之則靜者變而爲升發然則血之溫暖氣煦之也營之流行衛運之也是以氣有所動則血病生焉氣冷而後血寒衛梗而後營瘀欲調血病必益血中之溫氣欲調營病必理營外之衛陽衛氣者逆則不歛陷則不發鬱則不運阻則不通是營血受病之原也黃耆清虛和暢專走經絡而益衛氣逆者歛之陷者發之鬱者運之阻者通之是燮理衛氣之要藥亦卽調和營血之上品輔以薑桂芍藥之類奏功甚捷餘藥不及也五行之氣涼則收而寒則藏氣之清涼而收斂者秉金氣也黃耆入肺胃而益衛氣佐以溫辛則能發輔以酸涼則善歛故能發表而出汗亦能斂表而止汗小兒痘

病衛爲營閉不得外泄衛旺則發衛衰則陷陷而不發者最宜
參耆助衛陽以發之凡一切瘡瘍總忌內陷悉宜黃耆蜜炙用
生用微涼清表歛汗宜之

薯蕷 味甘氣平入足陽明胃手太陰肺經 養戊土而行降

攝補辛金而司收歛善息風燥專止疏泄金匱薯蕷丸 薯蕷三分麥

冬六分桔梗五分杏仁六分當歸十分阿膠七分乾地黄十分

芍藥六分芍藥六分桂枝十分大棗百枚爲膏入參七分茯苓

五分白朮六分甘草二十分神麴十分乾薑三分柴胡五分白

薇二分豆黃卷十分防風六分蜜丸彈子大空腹酒服一九

治虛勞諸不足風氣百疾以虛勞之病率在厥陰風木一經厥
陰風木泄而不斂百病皆生肺主降歛薯蕷歛肺而保精麥冬
清金而宣神桔梗杏仁破壅而降逆此所以助辛金之收斂也

肝主升發歸膠滋肝而養血地芍潤木而清風芍窮桂枝疏鬱
而升陷此所以輔乙木之生發也升降金木職在中氣大棗補
己土之精人參補戊土之氣苓朮甘草培土而泄濕神麴乾薑
消滯而驅寒此所以理中而運升降之樞也賊傷中氣是惟木
邪柴胡白芍泄火而疏甲木黃卷防風燥濕而達乙木木靜而
風息則虛勞百病瘳矣陰陽之要陽密乃固陰平陽秘精神乃
泊陰陽離決精神乃絕素問四時之氣木火司乎生長金水司
乎收藏人於秋冬之時而行收藏之政寶嗇精神以秘陽根是
謂聖人下此於蟄藏之期偏多損失坎陽不密木鬱風生木火
行疏泄之令金水無封閉之權於是驚悸吐衄崩帶淋遺之病

種種皆起是以虛勞之證非一無不成於乙木之不謐始於辛
金之失歛究之總緣於土敗蓋坎中之陽諸陽之根坎陽走泄
久而癸水寒增已土濕旺脾不能升而胃不能降此木陷金逆
所由來也法當溫燥申肫左達乙木而右歛辛金薯蕷之性善
入肺胃而歛精神輔以調養土木之品實虛勞百病之良藥也
五味子 味酸微苦鹹氣潛入手太陰肺經 歛辛金而止欬
收庚金而住泄善收脫陷最下衝逆傷寒小青龍湯乾薑治太
陽傷寒心下有水氣乾嘔發熱而欬用五味乾薑細辛歛肺降
逆以止欬嗽小柴胡湯枳實治少陽傷寒若欬者去人參大棗
生薑加五味乾薑黃芩武湯枳實治少陰病內有水氣腹痛下利

若欬者加五味半升細辛乾薑各一兩四逆散方在治少陰病

四逆欬者加五味乾薑各五分並主下利金匱厚朴麻黃湯方在

厚射干麻黃湯方在並用之以治欬嗽小青龙湯治痰飲欬逆

飲去欬止氣從少腹上衝胸咽者以桂苓五味甘草湯治其氣

衝欬嗽衝逆者辛金之不斂也泄利滑澀者庚金之不斂也五

味酸收澇固善斂金氣降辛金之上衝而止欬逆升庚金之下

脫而止滑泄一物而三善備焉金收則水藏水藏則陽秘陽秘

則上清而下溫精固而神寧是亦虛勞之要藥也

訶黎勒 味酸微苦氣瀆入手陽明大腸手太陰肺經 收庚

金而止泄斂辛金而止欬破壅滿而下衝逆疏鬱塞而收脫陷

金匱訶黎勒散

訶黎勒十枚散湯飲和頓服

治氣利以肝脾鬱陷二氣凝塞

木鬱風動疏泄失藏而爲下利利則氣阻而痛澁是爲氣利訶

黎勒行結滯而收滑脫也腸陷而爲利者清氣滯塞而不收也

肺逆而爲欬者濁氣壅塞而不歛也訶黎勒苦善泄而酸善納

苦以破其壅滯使上無所格而下無所礙酸以益其收斂使逆

者自降而陷者自升是以欬利俱止也其治胸滿心痛氣喘痰

阻者皆破壅降逆之力其治崩中帶下便血墮胎者皆疏鬱升

陷之功也

白前 味甘辛入手太陰肺經 降衝逆而止嗽破壅塞而清

痰金匱澤漆湯

澤漆在方

用之治脉沈之欬是緣水氣之裏衝非由

方用細辛
分三升
水須和
煎藥
不宜過

風邪之外閉澤漆治其水氣白前降衝逆而驅痰飲也 白前

善降胸脇逆氣心肺凝痰嗽喘衝阻呼吸壅塞之證得之清道

立通濁瘀悉下宜入補中之劑並用乃効

細辛 味辛溫入手太陰肺足少陰腎經 降衝逆而止欬驅

寒濕而蕩濁最清氣道兼通水源傷寒小青龍湯方在麻黃治太陽

傷寒心下有水氣乾嘔發熱而欬用細辛乾薑五味降逆斂肺

以止欬嗽金匱以治痰飲欬逆倚息飲去欬止氣從少腹上衝

胸咽用桂苓五味甘草治其氣衝衝氣既低而反更欬胸滿者

用桂苓五味甘草去桂加乾薑細辛方在乾薑治其欬滿傷寒真武

湯方在桂枝治少陰病內有水氣腹滿下利若欬者加五味半升細

白前 細辛

辛乾薑各一兩是皆小青龍之法也金匱厚朴麻黃湯射干在
干麻黃湯射干皆用之以治欬而下寒者麻黃附子細辛湯在
麻黃辛附子湯射干大黃附子湯射干亦大射干烏梅丸射干
皆用之以治寒氣之衝逆也防已黃耆湯射干治風濕脉浮身
重氣衝者加桂枝三分下有陳寒者加細辛三分風木衝逆則
用桂枝寒水衝逆則用細辛此治衝逆之良法也肺以下行
爲順上行則逆逆則氣道壅阻而生欬嗽欬嗽之證由於肺金
不降收氣失政刑於相火其間非無上熱而其所以不降者全
因土濕而胃逆戊土既濕癸水必寒水寒土濕中氣不運此肺
金欬逆之原也當火炎肺熱之時而推其原本非緣寒氣衝逆

則由土濕堙塞因而水飲停瘀者十居七八然則上熱者欬嗽之標水飲濕寒者欬嗽之本也外感之欬人知風寒傷其皮毛而不知水飲濕寒實傷其腑臟蓋濁陰充塞中氣不運肺金下達之路既梗而孔竅又闔裏氣愈阻肺無泄竅是以宗氣壅迫衝逆而爲欬若使裏氣豁通則皮膚雖閉而內降有路不至於此也細辛溫燥開通利肺胃之壅阻驅水飲而逐濕寒潤大腸而行小便善降衝逆專止欬嗽其諸治收眼淚利鼻壅去口臭除齒痛通經脉皆其行鬱破結下氣降逆之力也

射干

味苦微寒入手太陰肺經

射干喉而開閉塞下衝逆

而止欬嗽最清胸膈善掃瘀濁金匱射干麻黃湯

射干十二枚紫苑三兩欬

冬三兩五味半升細辛三兩半夏半升生薑四兩大棗七枚麻黃四兩

治欬而上氣喉中如水雞

聲以風寒外閉皮毛不泄肺氣鬱迫逆而上行喉竅窄狹泄之不及以致呼吸閉塞聲如水雞射干紫苑欬冬五味細辛生薑半夏下衝逆而破壅塞大棗補其裏麻黃泄其表也氣通於肺內司呼吸而外主皮毛皮毛雖閉而內有下行之路不至堵塞如是是其平日土濕胃逆濁氣升隔肺之降路不甚清通一破外感皮毛束閉裏氣愈阻內不能降而外不能泄是以逆行而上衝塞於咽喉此卽傷風齁喘之證當飲食未消之際水穀鬱遏中氣脹滿故呼吸閉塞迫急非常也不降裏陰則胸膈莫容不泄表寒則經絡終鬱射干降逆附結善利肺氣麻黃外散其

風寒使經絡鬆暢則裏氣不迫射于內降其衝逆使咽喉清虛則表氣不壅表邪外解而裏陰下達停痰宿水積熱凝寒皆從水道注泄而下根株斬滅矣其諸主治通喉痺開胸滿止咽痛平腹脹泄肺火潤腸燥行積痰化瘀血下經閉消結核破癥瘕除瘧母驚甲煎丸驚方在甲用之以治瘧母烏扇即射干也下衝破結是其長也

紫苑 味苦辛入手太陰肺經 降氣逆而止欬平息賁而止

喘金匱射干麻黃湯射干在方用之治欬而上氣以其清肺而降逆

也 紫苑清金潤肺止欬定喘而兼善斂血勞嗽吐血之證因於肺逆而不斂肺氣清降則血自斂矣其他主治開喉痺通小

便定喘促破息責止吐血衄血癰肺癰行膿血皆清金降逆之力也

欬冬花 味辛氣溫入手太陰肺經 降衝逆而止嗽喘開痺

塞而利咽喉金匱射干麻黃湯射干在用之治欬而上氣喉中如

水雞聲以其開痺而止喘也 欬冬降逆破壅宣嗽止喘疏利

咽喉洗滌心肺而兼長潤燥肺逆則氣滯而津凝故生煩躁肺

氣清降濁瘀蕩掃津液化生煩躁自止其他主治除肺癰膿血

去痰涕膠粘開咽喉喘阻潤胸膈煩躁皆去濁還清之力也

杏仁 味甘苦入手太陰肺經 降衝逆而開痺塞泄壅阻而

平喘嗽消皮腠之浮腫潤肺腸之枯燥最利胸膈兼通經絡金